



ՄԱՐԿՈՍԻԱՆ 16-ՈՒ ԱՊՐԵԼԻԱՆ ԵՐԱՆՈՒՄԸ ԵՎ ԵՊԱՐԽԻԱԿԱԼ ԿԵՆՏՐՈՆՆԵՐԻ ԿԵՆՏՐԱԼ ԿՈՄԻՏԵ
ՄԱՐԿՈՍԻԱՆ 16-ՈՒ ԱՊՐԵԼԻԱՆ ԵՐԱՆՈՒՄԸ ԵՎ ԵՊԱՐԽԻԱԿԱԼ ԿԵՆՏՐՈՆՆԵՐԻ ԿԵՆՏՐԱԼ ԿՈՄԻՏԵ
ՄԱՐԿՈՍԻԱՆ 16-ՈՒ ԱՊՐԵԼԻԱՆ ԵՐԱՆՈՒՄԸ ԵՎ ԵՊԱՐԽԻԱԿԱԼ ԿԵՆՏՐՈՆՆԵՐԻ ԿԵՆՏՐԱԼ ԿՈՄԻՏԵ :

Հավարտ պատարագի, հինավուրց եկեղեցու բակում կայացավ Խաչվերաց տոնին եւ Վիրահայոց թեմի առաջնորդանիստ Սուրբ Գեորգ եկեղեցու ամրացման ու մասնակի վերակառուցման աշխատանքների մեկնարկին նվիրված հանդիսություն, որին ներկա էին հավատացյալներ, մայրաքաղաքի հայ եւ վրաց մտավորականներ: Այստեղ էին նաեւ հայտնի ճարտարապետ-ռեստավրատորներ Անատոլի Սոլոմոնաշվիլին ու Զուրաբ Գաչեչիլաձեն, Վրաստանի նախագահի խորհրդական, «Վրաստան» թերթի խմբագիր Վան Բայբուրթյանը, պատգամավորության թեկնածու Դավիթ Սաղվարելիձեն, Թբիլիսիում գործող մի շարք հայկական կազմակերպությունների ու ԶԼՄ-ների ներկայացուցիչներ:

Տոնական միջոցառմանը դիմելով հավաքվածներին՝ Վիրահայոց թեմի առաջնորդ, Գերաշնորհ Տեր Վազգեն եպիսկոպոս Միրզախանյանը շնորհավորեց Խաչվերաց տոնի եւ Սուրբ Գեորգ եկեղեցու ամրացման ու մասնակի վերակառուցման աշխատանքները սկսվելու կապակցությամբ: Նա հույս հայտնեց, որ Ն.Ս.Օ.Տ.Տ. Ամենայն Հայոց Կաթողիկոս Գարեգին Երկրորդի օրհնությունն ստացած ու Վրաստանի իշխանությունների աջակցությանն արժանացած նախագծի իրականացումից, վերականգնողական եւ ամրացման աշխատանքներից հետո, Սուրբ Գեորգ տաճարը վերստին կներկայանա նորոգված, ամրացված ու գեղեցկացված տեսքով՝ վերականգնված որմնանկարչությամբ եւ պղնձե թիթեղապատ գմբեթով՝ որպես Վիրահայոց թեմի պատմական առաջնորդանիստ եկեղեցի:

